

欽定大清會典事例

欽定大清會典事例卷一千一百四十一

八旗都統

公式

軍政

計功

勅過

軍政○康熙十年奏准漢人武弁皆有軍政之
典嗣後除滿洲蒙古漢軍世職外其八旗有職
任官以及在外駐防官員亦仿照漢員軍政之
例詳加考察○雍正元年議准八旗都統副都
統前鋒護軍步軍各統領皆近

御大臣不必具疏自陳至所屬武職各官令其確覈
賢否註考舉劾其薦舉官員俱係旗員不便照

綠旗官員考語薦舉有行止端方弓馬嫻熟管轄嚴肅當差勤慎不擾害該屬給餉無虛者始准舉奏其薦舉官員遇應升之缺開列在前具題補放糾參劣員必有貪酷不謹罷軟年老患病才力不及浮躁者始行題參照例議處○又議准內外考察旗員有在軍前受傷得功者均詳註於冊其不入舉劾照常留任者均註冊送部由部奏請

欽簡王公大臣公同考察河南太原二處城守尉以下各官一體

欽簡王公大臣前往考察。○三年

諭爾等宣旨於八旗大臣保舉卓異乃伊等一生大事並非升進官階之可比也果將漢仗好曾經效力應保之人薦舉方為合宜如平常稍覺去得不至應保者伊等或受請託入於其間朕必將徇情薦舉之人治罪。○又

諭部院官之兼武職者必多優員但由該旗將伊保舉其在部院衙門行走如何之處該旗大臣並不得知似此等兼武職之文員入於各該部院衙門分內遇京察時令其察覈。○四年題准鄭家莊昌平州保定

府固安縣寶坻縣東安縣良鄉縣霸州采育里
駐防各官。遇軍政之年。令巡察駐防之護軍統
領副都統同該管官考察具奏。○乾隆五年議
准嗣後八旗軍政考察各官。定以四格。一曰操
守。或廉或平或貪。一曰才能。或長或平或短。一
曰騎射。或優或平或劣。一曰年歲。或壯或中或
老。並將各官履歷。及在軍前受傷得功之處。註
明於冊。送兵部覈覆。其堪膺薦舉者。有職任官。
必有行止端方。弓馬嫻熟。馭軍嚴肅。居官勤慎。
不擾所屬。給餉無虛考語。無職任官。必有行止

端方弓馬嫻熟。馭軍嚴肅。居官勤慎。考語方准
薦舉。糾劾之官。必貪酷不謹。罷。輟。年老有疾。才
力不及。浮躁者。方准糾劾。此內如世爵患病。必
全不能行走者。照例糾劾。若猶能黽勉。及年老
者。皆著寬免。其軍政冊。於本年十月內具題到
部。○六年議准。嗣後滿洲蒙古漢軍旗人有為
綠旗武職者。如遇軍政之年。有年至六十以上。
填註年老患病。以及告病告休。查明曾經出征
打仗受傷。及有功牌者。亦照在旗武職之例。分
別優恤。至旗員文職。原有曾經打仗受傷。及有

功牌之人。其勞績與武職無異。自應分別優恤。
○七年奏准卓異官遇下次改為二三等者。其
從前卓異咨部註銷。○十五年

諭。大計軍政。固三載考績之義。以示激揚。但文武大臣
具疏自陳。雖屬遵循舊例。而於實政。未有裨益。蓋中
外大臣。皆朕所簡用。既經委任。其居心之誠否。才具
之短長。俱在洞鑒之中。如其不能稱職。早已隨時甄
別。其待至三年而計去者。實職非要任。而人非大過。
介在可否之間者。至於大臣恪共職守。正宜久任。以
收實效。而屆期輒求斥退。復降旨令照舊供職。拘成

例而事繁文。非崇實務本之道也。至御前大臣領侍衛內大臣等。或簡自勳戚。或拔從宿衛。其辦理閣務。卿長。以及八旗職任。皆量才器使。非循資錄用者。比且多世沐國恩。趨承左右。論其情理。亦不當引退。就閒。甘心暇逸。而每至三年。亦循例求罷。是轉以疏遠自居。如君臣一體之義何。前因宗室王公兼有職任者。皆係宗潢近派。特旨令其不必自陳。嗣後御前大臣。領侍衛內大臣。御前侍衛。乾清門侍衛。兼理閣務。及八旗事務者。遇大計軍政。皆不必自陳。餘仍照舊例行。○十八年。奏准軍政之年。八旗都統等於九月。

旨。八旗世爵不必入軍政考察。交該旗大臣三年一次引見。於引見時仍將平日行走何如之處一併聲明具奏。永著為例。○又奏准駐防官五年軍政大典攸關各省薦舉理應慎重。應按地之大小官之多寡酌中定額。黑龍江七人。

盛京六人。吉林五人。西安綏遠城右衛各四人。江甯杭州荊州各三人。京口甯夏涼州莊浪成都廣州各二人。熱河山海關青州福州各一人。至河南太原遇軍政之年向係

特簡大臣考察獨石口千家店張家口古北口鄭家莊昌平州六處保定府因安縣寶坻縣東安縣雄縣良鄉縣霸州采育里八處向有巡察大臣統轄以上駐防各處官數無多毋庸定額嗣後軍政令各該管官秉公考察果有賢能出眾准其薦舉一人若無堪膺薦舉者任闕毋濫其各省將軍等或因定有薦額徇私濫舉經部查出據實叅處○二十九年

諭據直年旗奏稱八旗世職官員於各旗奏事之日按旗帶領引見等語帶領世職引見理宜分別優劣編

列等第優者帶領引見。劣者叅革。豈可不論優劣。一概帶領引見。著交派出軍政之王大臣等。於此等世職官員內。將騎射清語精熟。差使勤者。列為一等。帶領引見。尋常者。毋庸帶領引見。仍留世職。至騎射不好人。庸劣。差使平常者。即行叅革。○又奉

旨。嗣後遇軍政之年。前鋒護軍營保列卓異人員。著交領侍衛內大臣會同前鋒護軍統領遴選保列。○三十一年奏准。江甯京口官員薦舉共三人。○又奏准。綏遠城察哈爾獨石口千家店等處駐防官員。歷次移紮裁汰。薦舉數目。亦應酌定。右衛

歸併綏遠城酌定薦舉官二人。獨石口千家店張家口昌平州駐防官。令察哈爾都統兼管。遇軍政之年。該都統一體考驗。定額薦舉四人。酌添一人。古北口駐防官。令熱河副都統兼管。遇軍政之年。該副都統一體考驗。定額薦舉一人。酌添一人。各該處如無堪膺薦舉者。任闕毋濫。滄州駐防。現今議令稽察保定府等八處大臣管轄。遇軍政之年。應入於保定府等八處內一體薦舉。三十三年覆准。伊犁軍政卓異官。毋

庸送部引

見如伊等應升得缺時將卓異之處聲明具奏索倫
察哈爾額魯持官員原無軍政之條仍照舊辦
理至滿洲錫伯官員照伊等原處軍政之例辦
理○三十五年議准宗室襲封將軍後凡遇軍
政之年由宗人府將職名考語造冊咨送辦理
軍政之王大臣公同考驗○三十七年奉

旨據派出軍政王大臣奏考驗世職官有正藍旗恩騎
尉三官保染患瘡疾請交該旗都統應留應革之處
據實具奏等語三官保著不必交該旗都統辦理且
伊自有愈期如半年不能痊愈即行革退若痊愈時

仍交軍政王大臣補行考驗開列等第具奏著為令
○四十年議准軍政大典特為分別官兵優劣
不容託故規避嗣後應考驗人員內有患半身
不遂之症難以速愈者即行革退其有因染患
瘡疾者仍交原派之王大臣立限嚴傳考驗如
其中果有庸劣之員而該管大臣章京等有隱
匿情弊即秉公叅劾其考驗冊檔交直年旗檔
庫存儲一分以備下次查覈○又定嗣後軍政
之年各營官兵有年逾六十馬步箭清語堪為
教習者仍留該營以教後進若不能騎射者駁

歸驍騎營換給馬甲錢糧雖有軍功亦照此辦理至所遺之缺即於馬甲內選補○四十一年奏准烏魯木齊巴里坤古城等三處俱設立駐防其應行卓異人員各照所設駐防人數酌量定額烏魯木齊二人巴里坤古城每處各一人該三處係邊疆要地距京遙遠卓異官員毋庸送部引

見俟應升得缺時將卓異之處聲明具奏如無堪膺薦舉者仍照定例任闕毋濫○四十二年奉

旨在京兵丁三年考驗軍政一次頭等優好者賞給銀

兩生疏者革退。所以示兵丁以勸懲也。但健銳營外火器營圓明園兵丁並未入於軍政之內。嗣後將健銳營外火器營圓明園兵丁亦與京城兵丁於軍政時著派出之王大臣一體考閱辦理。○又議准步軍營左右翼尉係三品實缺與內務府護軍統領城守尉營總無異請將翼尉一體入於軍政考察。○又奏准涼州薦舉官員定為一人。○又

諭。向來伊犁官員等遇軍政之年保舉卓異後不令特行送京引見者。原因伊犁為極邊地方往來拮据是以停其特送引見。但此等卓異人員軍政大典攸關

未經引見。而將軍大臣等閱看。即作為卓異。亦不合宜。嗣後伊犁等處官員。遇軍政之年。即指為卓異者。臨時奏聞註冊。俟伊等應升之缺。保送引見。將卓異之處。一併聲明具奏。俟引見之日。朕允准後。再准其卓異。其協領等。准其卓異者。亦俟伊等年滿送京引見之時。一併聲明具奏。引見之日。朕允准後。再准其卓異。○四十六年奉

旨。此次軍政。兵部辦理遲誤。而派出之王大臣閱看日期。亦屬太久。至今尚未將閱看之處具奏。從前軍政。並不如此日久。俱於數日間。即行閱看完畢具奏。此

次遲誤必因派出之王大臣前往閱看所到先後不齊。互相等候以致多延時日。王大臣儻任意指稱奏事。帶領官員引見。偷安不以為事。至冬令天寒時兵丁未免過於苦累。此次派出之王大臣俱著交部議處。嗣後派出閱看軍政及看射布靶之王大臣著查旗御史輪班前往稽查。毋庸干預閱看兵丁之事。惟稽查王大臣等之到與未到。有無遲誤。儻有竟不前往。或遲誤次數過多者。即據實奏明。四十七年議准。烏魯木齊移紮吐魯番。添設官十五人。即歸併烏魯木齊軍政原額。薦舉二人。增薦一人。共

薦舉三人如無堪膺薦舉之人仍照定例任闕
毋濫。又題准密雲新設駐防官員軍政照熱
河之例薦舉二人其應入舉劾各事宜及該副
都統事實均照定例辦理。四十八年議准八
旗佐領補放副參領驍騎校補放印務章京如
係薦舉之人即將卓異查銷。四十九年議准
嗣後伊犁舉行軍政薦舉不得過四人。五十
二年奉

旨嗣後軍政著改於春季考驗。又奏准在京八旗驍
騎營薦舉額數滿洲驍騎營每次不得過四人

蒙古驍騎營。每次不得過二人。漢軍驍騎營。左右翼前鋒營。八旗護軍營。每次不得過三人。

圓明園護軍營。內務府三旗護軍營。每次不得過四人。火器營健銳營步軍營。每次不得過六人。內務府三旗驍騎營。每次不得過二人。○五十六年。奏准在京武職官員。於三月十五日以前。造冊送部。各省駐防官員軍政。仍照舊例辦理。○五十八年。

諭。嗣後各省軍政佐領以下等官。毋庸送部引見。○又

奉

旨。各省軍政佐領等官。雖有列為卓異之例。但佐領等官。引見後。不過加一級。發回本地。况本省遇有應升缺出。仍由此項人員內揀選題補。似此佐領等官。徒拘泥成例。列為卓異。致令遠涉路途。虛糜盤費。且三年舉行一次。所費尤繁。嗣後各省如有協領等官。缺出。可將此項人員保舉。庶可省伊等繁費。而於升途亦無滯礙。著為令。○五十九年奏准八旗滿洲驍騎營。每次薦舉不得過五人。○嘉慶二年

諭。考驗軍政。甚關緊要。特派王大臣等。理應每日前往。據實考驗。此內如實有另派別項差使。並因進班不

到者。尚可寬恕。若因尋常奏事。竟行不到。實屬非是。嗣後再有派出差使。推故不到者。必從重治罪。○四

年

諭。文職三年一次京察。武職五年一次軍政。惟大門侍衛並無軍政之條。此內不免有年老技藝平庸者。亦著入於軍政之例。列於該旗武職之前。閱試侍衛內如有懶惰不安分者。經大臣查出。即行題參。從前將應入軍政之武職人員。按翼分為兩處閱試。不免耽延日期。嗣後將左右兩翼軍政人員。分於四處閱試。著為例。○又奉

旨。黏杆處侍衛鑾儀衛章京亦著照各執事侍衛等一體入於軍政。○又奏准侍衛官員等入於軍政一體考驗除犯八法者據實叅劾並無定額至應保舉人員於大門侍衛黏杆處侍衛鑾儀衛章京等六十員內保舉一員如不足六十員之數果有人材超眾者行文內聲明保舉一員以示鼓勵其保舉之員奉

旨卓異遇應升之缺先行錄用儻保舉不實將該管大臣等照例議處。○五年奏准各省駐防佐領防禦改歸舊例入於軍政考驗如有賢能出色

之員。准其與協領參領等一體薦舉。近京密雲等處及各省駐防東三省駐防均令送部引

見伊犁烏魯木齊巴里坤古城離京較遠應仍照舊例遇有差使之便再行赴京引

見○又議奏宗室王公門上護衛等遇軍政之年該王公等各造名冊交宗人府彙齊移送承辦軍政處交派出之王大臣公同考驗奉

旨王公等門上之五品以上護衛遇軍政之年著交派出之王大臣附於大門侍衛鑾儀衛章京之後閱看其什長王府長史俱不必入於軍政○六年奏准駐

防卓異增減額數黑龍江減為六人

盛京減為五人。吉林察哈爾減為四人。○又奏准世職官於軍政案內糾參應革職者革退世職應降級調用者亦即開缺另議承襲。○道光七年奏准軍政年至六十五歲以上各官於王大臣考驗後另為一班帶領引

見如有患病告假者至六月限滿尚未痊愈即照例開缺其限內病痊各員堪以留任者造冊報部歸入兵部應行引

見堂考官員內隨時帶領引

見至六十歲以下人員。考驗時咨報患病告假於病痊後分別去留。填註考語送部隨案具題。○十

八年

諭嗣後各省協領遇有軍政卓異及俸滿之員無論記名不記名俱著於引見後豫備召見如在三四人以上即分作二三日豫備其新補協領人員仍毋庸豫備

計功。雍正三年議准兵部歲將印紙分發各旗遇有應紀錄官員詳書印紙加用旗印給發。歲終彙咨兵部註冊其應得紀錄條款凡十三

條。一。參領佐領能遵循禁令訓示所屬除惡向善者。至五年准加一級。一。參領佐領及驍騎校等。能正己率屬守分急公者。五年准紀錄一次。一。參領能訓練兵丁。弓馬嫻習。遇公事無失期會者。准紀錄二次。一。佐領驍騎校能令所部通習國語嫻熟禮儀。工馬步射者。三年准給佐領紀錄二次。驍騎校紀錄一次。一。佐領驍騎校能拏獲盜逃賭博及金刃傷人之犯。至五次者。各准給紀錄一次。一。監放倉米之旗員五年無過能舉職者。准紀錄一次。一。牧廠官校能加意牧

旂如一參領所轄之馬駝肥臍其屬官校各准
紀錄一次一旗所轄之馬駝肥臍參領紀錄二
次其屬官校各紀錄一次一監修工作官能節
省錢糧工程堅固三年無傾圮者准紀錄一次
一承追虧空官能將隱匿房產查出價值二千
兩以上者奏

聞准紀錄一次值四千兩者二次六千兩者三次八
千兩者加一級數更多者按例予以加級紀錄
一散秩官內有勤職工射及器械修理者三年
准紀錄一次一錢糧冊籍有弊能知情舉首者

按其事之輕重。量予紀錄。一官員奉差辦事實心稱職者。事按大小。其應給紀錄者。准給一次。一族長果能教導族人日進於善者。三年量給紀錄。以上條款永著為例。○五年奉

旨。嗣後八旗將紀錄人員。於歲底彙奏之時。但令當月旗敕入案呈具奏。其餘各旗不必將案呈敕入。若係特旨賞給紀錄者。著照常彙奏。其旗下應給紀錄者。令各旗都統於奏事之便。奏聞再於歲底彙奏。○乾隆三年覆准。族長所管本族內並無匪人出結。呈佐領驍騎校。加具印結。每月終呈該旗存案。

年終考察一次如三年無過者交兵部照例議敘至佐領驍騎校教導所部乃其分內之事如果實心教導者該都統於應升處列名毋庸議敘○四年覆准已滿三年之族長係現任官照例咨部議敘外其未得官之族長造冊二本各鈐印一送兵部俟補官日覈對該旗來文補給紀錄一存本旗如未得官之前有應議之罪一併咨部准其將紀錄抵銷○五年議准印房俸餉房及各參領承辦之事於一年內依限全完者准給紀錄一次佐領事簡於三年內均依限

全完者。佐領驍騎校領催各准給紀錄一次。應
紀錄之參領以歲終。佐領驍騎校以三歲均彙
冊具奏咨部。其領催應得紀錄註冊俟補官日
照例覈給。如於未得官之前有應議之罪者。准
將紀錄抵銷。○六年議准。佐領驍騎校教導所
部向例議敘已經停止。則參領佐領訓練兵丁
嫻習騎射期會無誤。並官校等遵循禁令訓示
所部。正己率屬守分急公。散秩官勤職工射器
械修理均係分內應為之事。概予議敘。轉滋冒
濫。應請停止。再八旗應紀錄官均由本旗彙奏。

其由當月旗具奏之處亦應停止。○七年奏准族長內有文職應得紀錄者仍行兵部轉行吏部註冊仍知照該旗。○十八年奏准佐領拏獲逃人賭博監倉官五年無弊監工官節省錢糧工程完固奉差官實心辦事均分所應為至錢糧冊籍稟首情弊定例以來未有其事例為虛設向例給予紀錄之處均請停止再八旗奏給官員紀錄既於本年照數奏給其次年歲終奏銷事屬繁冗亦應停止至領催族長無官職者其紀錄註冊毋庸入奏俟補官日入於現年應

請紀錄官員摺內聲明具奏。○四十四年奏准參領等官兼管佐領及兼署幼官並出差佐領各缺者三年無過給予紀錄一次。○道光元年議准漢軍七品筆帖式京察記名應升知縣人員歸於雙月滿洲蒙古記名筆帖式輪用三人之後升用一人。漢軍八品筆帖式京察記名應升通判人員歸於雙月滿洲蒙古記名小京官輪用三人之後升用一人。漢軍九品筆帖式京察記名應升州同州判縣丞人員歸於雙月無論是否積缺各計十五缺之後升用一人俱不

積各升班之缺。其通判一項係在外揀補之缺。如遇外省揀補無人。准其揀選。至該員等論俸。應升到班時。仍各按品級與俸深人員比較。俸深先後升用。毋庸先儘升用。

劾過○雍正三年奉

旨。嗣後八旗都統查該旗一切應行參奏之事。即行參奏。其曾經奏過之都統等。將職名與參案緣由。並奏過幾次。皆於歲終彙疏以聞。至未經參奏一次者。亦令聲明。乾隆四年。奏准八旗五品以上官。有應議之案題參六品以下官。咨兵部。○又奏准五品

以上官。本身有犯。仍照例題叅外。其因人株連及夫察等事。仍咨兵部議處。○又奏准八旗各參領等會辦之事。如實係限內不能完結者。呈明展限。如無故違限。承辦官記過一次。印房俸餉房皆總理一旗事務之所。五參領乃匯理各佐領事務。如一月違限至三件者。承辦官記過一次。佐領承辦之事。一月內違限一件者。佐領驍騎校各記過一次。承辦展限事務之參領官員等。並不將展限之處報明。至遺漏者。記過一次。歲終彙考記過各官。記過一次者。免議記過。

二三次者行兵部議處領催記過至三次者交該參領責懲。○五年議准在京三品以下五品以上之降級革職旗員如本任內並無錢糧未清及治罪之案者該管大員將該員降革之案咨送都察院秉公覈覆該管大員出具考語引見其外省駐防降調各官由該駐防大臣咨在京本旗轉行都察院覈覆該駐防大臣出具考語送旗引

見非因公者不在此例。○又定革職留任官四年無過該管官奏請開復。○六年定世爵及世管佐

領兼文武職任官。犯有貪汙行止不端者。不論何任。事發皆全革。因溺職參革者。其世爵應革。應留。由旗奏請奉。

特旨革職者。按其獲罪係何任內。除所獲罪之本任。照例革職外。餘所兼之職。具奏請。

旨。其世爵佐領。選充侍衛。因無力當差。經該管官駁回者。仍留其世爵佐領。若因怠惰曠職。行止不端。參革者。一併革退。○七年奏准。軍政考察。職任官兼世爵佐領。以浮躁參者。留世爵。職任官與佐領。一併降調。以才力不及參者。將現任官。

降調仍留世爵佐領若係公中佐領不在此例
○二十七年議准八旗參領等官於辦公僅有
舛錯不致特參者記過一次至記過三次即行
參奏交部分別議處○嘉慶七年奏准職任官
兼襲世職由職任糾參貪酷不謹罷輒者將世
職一併革退如由職任官糾參才力不及並浮
躁者將職任官降調留其世職仍每級折罰世
職半俸三年至世襲佐領雖屬世職但佐領有
辦事之責與閒散世職不同如因軍政議革議
降均應開缺另議承襲○二十一年議准鄂爾

布被革逃走就獲後該管參領嚴加議處該旗都統等議處○咸豐三年奏准嗣後八旗滿洲蒙古漢軍旗人獲罪脫逃以及獲咎銷除本身旗檔之人情殷報效贖罪由該旗都統等酌覈情有可原者隨時聲明請

旨○同治八年奏准領催攜竊餉銀逃走嚴拏該犯加重治罪外將失察之佐領等議處

欽定大清會典事例卷一千一百四十二

八旗都統

公式 直班 火班

直班○順治元年定。

京師內城九門。每門設城門領各二人。城門吏各二人。指揮千戶各二人。馬甲二百六十名。礮甲十八名。外城七門。每門設城門領各一人。城門吏各一人。指揮千戶各二人。馬甲礮甲共七十名。○四年。改名各城門指揮千戶為門千總。○雍正二年。奏八旗官兵看守倉庫。與外藩進貢。

人之馬匹。或有不肖匪類。強索直班兵丁錢財。代為直班。如所稱坐地虎者。由直班官員呈報該旗都統。送部從重治罪。奉

旨。直班大臣亦當各查該管人等。朕亦遣人往查。若經查出。將直班大臣及該旗都統一併議處。其加意整飭之。○又

諭。八旗驍騎營兵丁看守之處。無關緊要者甚多。如工部戶部一應看守之處。豈果皆關緊要。著都統等會同各該部大臣。將應行裁減者。令其裁減。欽此。遵旨議定。現今八旗滿洲蒙古漢軍官兵永遠看守及暫

行看守。共一百九十五處。每一班需用參領九員。章京二百二員。驍騎校四十三員。領催六百八十五名。馬甲二千六百八十五名。此內應裁撤者五十七處。裁減章京十九員。領催二十七名。馬甲四百名。應減半者四十四處。裁減章京七員。領催二名。馬甲一百一十一名。共裁減章京二十六員。領催二十九名。馬甲五百一十一名。仍令看守之參領九員。章京一百七十六員。驍騎校四十三員。領催五百八十九名。馬甲二千一百七十四名。嗣後遇有暫行看守之處。令各該

部行文旗下。派出官兵看守。事畢即將應撤回官兵之處。知會該旗撤回。○三年議准。八旗看守倉庫地方。俱派輕車都尉以下世襲官員與佐領驍騎校等官。舊例令大臣參領等時往稽察。年久廢弛。兵丁易生怠忽。嗣後除照舊令大臣等巡察外。每日再令每旗滿洲蒙古漢軍三旗。共添派參領或副參領一員。各於本旗看守倉庫之處。晝夜巡察。○又議准。向例八旗各派滿洲馬甲五名。蒙古二名。漢軍三名。在

禁門輪流該班聽差。不備軍器。遇

聖駕巡幸及封印後。則每旗另添派領催馬甲五十名。各備撒袋烏槍看守。嗣後於原設聽差兵十名外。每旗添兵二十名。俱備軍器看守。並各派參領一員。章京三員管轄。○五年

諭紫禁城內看守之護軍馬甲等。每日衝冒寒冷。該班行走。欲加恩給予飯食。一年需銀若干。應動用何項銀兩。東西兩邊另給房屋。為造飯供食之所。及令何等人員管理之處。爾等詳議具奏。欽此。遵

旨議定。

紫禁城內護軍馬甲應行看守者共六十七處。每

日進班者共六百九十七人。嗣後護軍參領官員等照奏蒙古事之侍衛例。護軍校護軍筆帖式等照執事人之例。一體給予飯食。其所需食物等項。折給銀兩於

紫禁城內東西兩邊近城之處。撥給房屋。以為造飯供食之所。管理造飯等事。令內管領等兼管。應用銀兩。行文戶部支領。於歲底將用過數目。銷算具奏。○六年奏准。向例看守戶部三庫銀庫。係由鑲藍旗派出閒散官一員。驍騎校一員。領催馬甲二十名。在庫內看守。銀庫後門。係由

鑲藍旗派出驍騎校一員領催馬甲十名看守。
顏料緞疋二庫。除由八旗撥補食二兩錢糧之
庫吏八名看守柵欄外。八旗輪流派出官員領
催馬甲等四十員名。在牆外設立堆撥巡察。或
一庫一旗輪守。或八旗循環看守。均非專管。嗣
後戶部銀庫顏料庫緞疋庫。俱派上三旗官兵
看守。其

紫禁城內銀庫。戶部銀庫。俱派鑲黃旗官兵看守。
顏料庫派正黃旗官兵看守。緞疋庫派正白旗
官兵看守。每旗各選派閒散官八員。驍騎校八

員。分為四班。凡派出之人。能謹慎盡心。五年無過失者。遇應升之缺。著各該旗題補。如有過失。從重治罪。其領催馬甲。聽各該旗官員照舊例揀選派出。設立堆撥看守。顏料緞疋二庫庫吏亦均於上三旗選用。將下五旗之庫吏撥回各該旗。另行酌量補用。○又覆准崇文門等八門之外。建造營房。照內城九門之例。令滿洲官兵看守。每旗派撥滿洲蒙古漢軍官四員。驍騎校四員。滿洲馬甲一百二十名。蒙古漢軍各四十名。馬二匹。令其攜帶家口居住。正藍旗於崇文

門外。鑲藍旗於宣武門外。鑲白旗於朝陽門外。
鑲紅旗於阜成門外。正白旗於東直門外。正紅
旗於西直門外。鑲黃旗於安定門外。正黃旗於
德勝門外。各旗均分為四班。輪流看守。每班官
校各一人。馬甲五十名。其每旗委官四人。以
一人為營總。由該旗帶領引。

見補放。○七年

諭紫禁城內直班之侍衛官員及兵丁人等。持被褥進
宿。殊多不便。又聞兵丁等有賃被褥直宿者。如何給
予伊等被褥之處。爾等與內務府總管等會議具奏。

欽此遵

旨議定。

紫禁城內直宿之章京侍衛官員等。每人給予紬面布裏被褥各一分。氈一條。護軍校。每人給予細面布裏被。細布面裏褥及氈條各一分。兵丁及執事人等。每人給予布面布裏被褥氈條各一分。每年自十月初一日起用羊皮蒙面。至次年二月去之。二年一次修補。五年一次更換。被褥製成之日。交與各該班處之官員頭目散給直班人等。下班之日。交接班者領受。如有損壞。

汙穢令其賠補。如有情願由家中攜帶被褥者聽。○八年

諭嗣後凡有差委驍騎營官兵看守之處皆著奏聞再令看守。有不可緩者即令看守補行具奏。○又議准紫禁城內守衛官兵。

寧壽宮牆東北隅用鑲黃旗滿洲。西北隅用鑲黃旗蒙古漢軍。正東用正白旗漢軍。正西

蹈和門用正黃旗滿洲。

文華殿門用正白旗滿洲。各委官一人領催一名。兵九名。

東華門內銀庫用鑲黃旗滿洲。戶部銀庫用鑲黃旗蒙古漢軍。各委官二人。領催二名。兵十八名。顏料庫用正黃旗滿洲蒙古漢軍官四人。驍騎校四人。領催四名。兵三十八名。緞疋庫用正白旗滿洲蒙古漢軍官二人。驍騎校二人。兵五十名。工部製造庫用正紅旗滿洲蒙古漢軍兵五名。節慎庫用鑲紅旗滿洲。光祿寺銀庫用正藍旗漢軍。刑部贓罰庫用鑲藍旗滿洲蒙古漢軍。各委官一人。領催一名。兵九名。宗人府庫理藩院庫用左翼四旗。每庫輪委官一人。領催一名。

兵九名。海運倉用鑲黃旗。北新倉用正黃旗。儲
濟倉用鑲白旗。豐裕倉用鑲紅旗。各委滿洲蒙
古漢軍官二人。領催二名。兵三十八名。舊太倉
用正白旗。興平倉用正紅旗。南新倉用鑲白旗。
富新倉用鑲紅旗。各委滿洲蒙古漢軍官二人。
領催二名。兵十八名。萬安倉用正紅旗。滿洲蒙
古漢軍官四人。領催四名。兵三十一名。祿米倉
用正藍旗。滿洲蒙古漢軍官二人。領催二名。兵
三十三名。太平倉用鑲藍旗。滿洲蒙古漢軍官
四人。領催四名。兵四十一名。戶部內倉用正白

旗滿洲領催二名。兵六名。鴻臚寺

龍亭用正紅旗滿洲蒙古漢軍兵八名。

圓明園直月衙門。左右翼各輪委領催一名。兵二名。禮部庫西什庫宗人府空室。八旗輪流每處各委官一人。領催一名。兵九名。工部濯靈廠。八旗漢軍輪委官四人。兵二十名。以上均晝夜看守。喀爾喀館圍牆。於蒙古到日。委正藍旗滿洲蒙古漢軍官二人。兵十名。館門用正藍旗官一人。領催一名。兵九名。俄羅斯館。於俄羅斯到日。八旗滿洲蒙古漢軍共設班房十六處。每四處

委參領一人。每一處委官一人。兵十五名。館門
輪委參領一人。兵二十名。外館於馬匹到日。八
旗滿洲蒙古輪委官二人。驍騎校二人。兵二十
名。後黃寺於蒙古使臣及喇嘛來使到日。八旗
滿洲蒙古輪委官一人。兵十名。晝夜看守。均於
回日撤退。各直班官兵。該管官不時稽察。如有
曠誤者。叅奏。交兵部議處。○十年

諭。此所奏看守倉庫及禮部金冊等處。所需兵丁甚多。
現今正值操演之時。兵丁等看守之處太多。必致有
誤操演。嗣後倉庫等處。如何另行派人看守之處。著

八旗六部及倉場侍郎大臣等。公同詳議具奏。欽此。
遵

旨議定。看守倉庫。向係八旗馬甲。理應撤回。以便操演。
嗣後於八旗滿洲蒙古漢軍內。或閒散。或養子。
開戶。及官兵家下之人。擇其壯健者。挑取二千。
二十四名。照步甲之例。給予錢糧米石。分為二。
班。專令看守倉庫等處。其中有應挑取護軍馬。
甲者。照常挑取。此項兵丁。專為看守而設。不必。
給予盔甲。各倉庫等處。現有官給弓箭撒袋。亦。
毋庸另給。其腰刀。照官價折給銀兩。即動用各。

旗所存官房租銀。交各佐領置辦。動用銀數。令各旗於年底奏銷。管轄此項兵丁。除八旗出派操演官員外。於所餘官員內。每旗滿洲蒙古漢軍合派十員。共八十員。再於降級革職官員內。揀選一百二十員。共為二百員。令其管轄。所選降革人員。每人每月給予銀三兩。米二石。除降級之員。照伊所降品級頂戴外。革職人員。均給予八品頂戴。若看守五年無過。令各該旗大臣等。於伊等應升之缺列名。如不勉力行走。即行參奏。從重治罪。俟大兵凱旋之後。此項所添兵

丁缺出不補。官員令各該旗大臣等將好者揀選於應升之缺奏請補授。奉

旨。看守倉庫所添降調革職人員。俱係本身犯罪降革之人。所犯之罪。輕重不等。其中亦有人去得者。大概無用者居多。若有用之人。惟令看守此等處所。似覺可惜。若無用之人。令其看守倉庫緊要之地。反於事無益。爾等理應加意選擇。務期得人。將伊等分作兩次帶領引見。再爾等奏稱所選廢員。若不勉力行走。即從重治罪。並未議定如何治罪。伊等若仍不悛改。不肯實心效力。如何從重治罪之處。爾等定議具奏。

欽此遵

旨議定。降革人員內有去得者。即行揀選帶領引

見。其中若有不肯實心效力。行走不堪者。降調人員。交該部照伊所犯之罪。加一倍治罪。革職人員。照伊所犯之罪。加兩倍治罪。如果勉力行走。五年無過。令該管大臣等於伊等應升之缺。一體列名。○十一年

諭。朕曾降旨嚴飭兵丁等。凡會集直班之處。俱令清語。不許漢語。著該管大臣官員等不時查察。近聞仍有漢語者。此皆由大臣官員等不嚴行查察之所致也。

諭旨所交事件。並不加意奉行。甚屬不合。嗣後仍有漢語者。經朕查出。將該管大臣等必不輕恕。○十二年覆准。正陽門兩旁城門。即於看守八門官兵內。八旗共委官四人。驍騎校四人。每旗各委馬甲十名。按翼看守。十日一次更代。每日按翼各委兵十名。晝夜巡宿。如有曠誤不到者。該管官查叅。○乾隆五年奏准。嗣後

聖駕巡幸口外。上三旗滿洲蒙古漢軍。於城上設堆撥十五處。委官十人看守。參領二人巡察約束。如遇

謁

陵及

巡幸駐蹕各處。並逢年節封印後。於城上設堆撥六處。各委官校與步軍營堆撥相間看守。仍於上三旗滿洲蒙古漢軍內合委參領一人。令其約束。○二十三年奏准。

紫禁城內

寧壽宮與

文華殿

東華門內銀庫等處守衛。均改用護軍。○又議准。

管理舊營房八旗滿洲蒙古各派大臣一員。新營房滿洲蒙古漢軍各派大臣一員。嗣後八旗管理舊營房新營房大臣。遇有升調缺出。將各旗都統職名咨送直年旗奏請。

簡派。○二十四年奏准。嗣後管理八旗舊營房大臣。有升調者。請

旨簡派。其隨

駕行圍所遺員缺。即令本旗掌印大臣暫署。○五十年奏定。城上安設步軍堆撥八十三座。如遇

聖駕巡幸近地。及

駐蹕圓明園。每旗添設驍騎營堆撥六座。如遇

巡幸遠處。每旗安設驍騎營堆撥十五座。將步軍營

撤下。○嘉慶七年議准。嗣後恭遇

聖駕巡幸口外。城上直班官兵安設堆撥八十五座。

大樓九座。角樓四座。共用章京二十四員。兵九百有二名。又

巡幸各處與

駐蹕圓明園。及封印後。八旗官兵與步軍營官兵照

原定數目。輪流派往該班。每十日為一班。十日之內。所派官兵。各由該營內輪流更換。並由八

旗都統及步軍統領衙門各派委官員不時前往稽查兵部輪派司員分城稽查如有曠誤及頂名雇替者兵照例鞭責該管官照例議處○又議定城上直班官兵改為步軍驍騎兩營輪流該班十日一換○八年奉

旨軍機大臣議奏各衙門向設莫吉戈有看守印信庫藏等差未便概行裁汰請於每十名內酌減二名並專令看守印信庫藏檔案著照議行至各衙門咨行各旗挑取此項馬甲時務本身應差不得雇人替代自圖安逸各衙門阜役等亦不得有包攬頂充勒索

之弊。○十四年奉

旨。嗣後各旗等。於所派倉庫看守兵丁。務須實力稽查。毋任有私行包班等弊。該管都統等。均當一體留心稽覈。如查有包班弊端。即據實叅奏。儻仍前因循疏忽。別經發覺。當治以應得之咎。該管倉庫之大臣官員等。於兵丁雖素非統轄。不能認識。而於應行換班之時。見有班期已滿。不行更替。並直班較他人獨多者。即係違例包班。無難查究。叅辦。惟當隨時稽查。毋稍疏忽。致干咎戾。○又奉

旨。銀庫內庫稽查直宿官兵出入之處。應酌量以日出

日入為度。嗣後每逢十月十一月十二月正月。均著申時放進。辰時放出。其餘各月分。著於酉時放進。卯時放出。派外庫直宿官員。前赴內庫會同本日該班之司鑰長。將該官兵按時查放。驗明封鎖。並著該護軍統領一體留心查察。如該班官兵有包班違誤等弊。即行叅辦。○十六年

諭。朕詢問派出查城副都御史潤祥。據稱在城直班兵丁。鑲白三旗衣帽整齊。正藍三旗衣帽不全。該管大臣盡心不盡心。即此可見。當此隆冬。沍寒。各兵丁在城晝夜巡邏。亦應量加體恤。著八旗都統等。在各該

旗公項內酌籌款費。以為該班兵丁鑪火之資。俾令禦寒有具。當差不致懈怠。稍示先養後教之意。欽此。遵

旨議定。八旗滿洲蒙古漢軍。向有房租銀兩。每月需用各款。統於年終彙入奏銷。但各旗銀數多寡不一。應交各該旗按照人數。於房租項下酌給鑪火之費。每歲自十月初一日起。至次年二月初一日止。再城內各倉兵丁。與城班兵丁相等。亦應量加鑪火。一體遵照辦理。奉

旨。八旗都統等奏遵旨籌議增給城班倉班兵丁鑪火

之費。於各旗房租項下支銷。著照所議行。所給之費。著自十月初一日起。至次年二月初一日止。該兵丁等禦寒有資。務須親身接班直宿。不得再有曠誤。其城班兵丁直宿。城上風高地敞。然熾薪炭。尤當晝夜小心。儻有不戒。致駭見聞。必當較常例加倍治罪。○

又奉

旨。京都內城九門城垣。分段安設堆撥。輪派八旗官兵駐守巡邏。全在統轄大員認真稽查。方不致日久懈弛。嗣後除親王郡王御前大臣軍機大臣領侍衛內大臣兼都統者。或軍機大臣內有兼副都統者。均毋

庸上城巡查外。所有各旗都統副都統。無論內廷行走。及兼管事務繁多之員。均著上城巡查。都統每月上城二次。副都統每月上城三次。不必豫定日期。隨時親往密查。並著步軍統領衙門。飭知管理馬道官員。隨時具報。該衙門每月彙奏一次。如有曠誤不到者。據實叅奏。其各旗參領。每月上城六次。輪流派查。不必在城住宿。○又議定。專令驍騎營該班。將步軍營看守馬道柵欄。○又奏准。嗣後大樓九座。馬道口十八處。角樓四座。馬道口八處。中心臺十五座。馬道口三十處。責成八旗滿蒙漢分段看

守兩旗分界之處。每堆撥派官二員。兵五名。如
係一旗所轄。每堆撥派兵五名。二堆撥派官一
員。共官四十四員。兵二百八十名。仍照向例輪
派參領一員。在城住宿。各按人數。交內務府製
腰牌二分。以便稽察。其城下城門馬道十八處。
仍由城門領管轄。中心臺角樓馬道口三十八
處。派步軍校管轄。其鎖鑰交城門領步軍校等
官掌管。城上大樓鎖封。交漢軍該班看守。鑰匙
仍交漢軍礮營參領掌管。交併瞭望。仍責成該
班官兵分管。五日一換。先期將官兵銜名咨送

查城大臣兵部步軍統領衙門至查城人員應以管項較少之員由直年旗開單請

派八員分左右翼管理○十七年奉

旨上年因京都內城九門城上堆撥官兵曠誤班期特定章程令各旗都統副都統參領等每月分次查城並交步軍統領按月查明彙奏以憑稽考所有此次查城不到之副都統興肇華聘舒明阿均著交部察議其參領等著各該旗查取職名交部一併察議嗣後如查有三次不到者即著交部議處若再曠誤多次並當交部嚴加議處該副都統等務當按期上城

認真稽察。毋得日久生懈。視為具文。○十八年奏准。滿洲蒙古漢軍三旗。每日輪派參領一員。在城住宿。稽察該班官兵巡邏事宜。○又奏准。白塔信礮章程。

大內所藏白塔山信礮金牌。每遇

聖駕巡幸。仍存

大內。製造信牌一分。左右兩扇。右存

大內。左交

紫禁城內直班王收存。其請領金牌。應由直班王大臣等五人會請。白塔山設信礮五位。旗杆五

枝九門城上各設信礮五位。旗杆五枝。設有金牌上書奉

旨放礮字樣。金牌持到。直班之副都統驗明。方准放礮。杆上畫懸黃旗。夜懸燈籠。正紅旗三固山地界。自馬狀元胡同口外大街南至四牌樓羊肉胡同東口。與鑲紅旗搭界。正紅旗漢軍第一參領下四分佐領。阜城門內大街至宮門口。按佐領會集。第二參領下四分佐領在宮門口往東。至馬市橋。按佐領會集。第三參領下四分佐領在馬市橋北。酥羅卜胡同回子營。按佐領會集。

第四參領下四分佐領。在回子營茶葉胡同翠花街。接佐領會集。第五參領下三分佐領。在宮門口。往北至葡萄園胡同東口。按佐領會集。聽候調遣。○十九年奏准。城門堆撥九處。街堆八十處。八旗驍騎營官各二員。兵各十名。共官一百七十八員。兵八百九十名。如恭遇

聖駕巡幸及封印期內。仍舊安設。○又奉

旨。紫禁城內外及圓明園各處禁門柵欄守衛官兵內。著俱將吉林黑龍江留京官兵。每日酌挑數名。輪流直班。該官兵等騎射清語。較為嫻熟。各營官兵。相習

而善亦屬有益。○二十年奏准。內外各城門樓鎖鑰。交礮營參領掌管。樓內存儲礮位什物等冊。亦交該參領收存。城樓左右滿蒙堆撥與漢軍調換該班。俾得就近看守。○又議准。宗人府圍禁宗室覺羅之空室。向係鑲白旗滿洲章京一員。兵二名。鑲藍旗滿洲兵六名。鑲藍旗漢軍兵四名。蒙古兵二名。鑲紅旗滿洲漢軍輪班兵一名。正紅旗漢軍兵一名。在空室門直班。每月逢一六日換班。今酌改以該七旗本旗官一員。帶領本旗兵十六名。每五日一換。各按本旗輪替進

班○道光三年

諭八旗兩翼各營武職直日著照舊例輪至十二月十五日為止著為令○五年

諭向例城上安設堆撥責成八旗都統等按次稽查立法本為周密無如日久玩生每多弊混嗣後著責成八旗滿洲蒙古漢軍按期均勻分段看守至查城應行開列都統副都統銜名無論兼管何項差使均著全行開列候朕點出八員分左右翼管理每屆三年由直年旗奏請更換其掌管鎖鑰及官兵接班換班並派參領等官輪流巡查各章程俱著照議辦理○

二十一年議奏。禁門啟門以天明為度。閉門以日落為準。奉

旨。嗣後前殿各門。俟天明查驗後。落櫃開鎖。著照所議辦理。惟所稱應行早開日期。照例開放一節。著責成該護軍統領等。督飭該管官嚴密稽查。毋稍疏懈。○咸豐八年奏准。火藥局該班章京。仿照城班章程。添設參領一員。督率章京兵役巡守。向例城班直班參領。每班五日。滿洲二日。蒙古一日。漢軍二日。今火藥局添設參領。其漢軍參領減撤一日。直班兵丁。改派八旗槍甲。以昭慎重。○同

治四年議准。文職至三品。武職至二品。無別項直班者。毋庸奏請。即令進直六班。○七年奏准。城上堆撥十五座。一律修整。該班官兵巡城。於左右兩翼設籌二枝。左翼二籌。一刻正藍旗南籌字樣。每夜由正陽門正藍旗堆撥傳至安定門。西鑲黃旗堆撥為一周。一刻鑲黃旗北籌字樣。由鑲黃旗堆撥傳至正藍旗堆撥為一周。其右翼二籌。一刻鑲藍旗南籌字樣。一刻正黃旗北籌字樣。往來傳遞。一如左翼。責成各旗該班參領承管。於各堆撥設立名冊。令傳籌之兵。每

夜傳到時。在名下各自畫押。不得代替。按十日一次。由各該旗送查城大臣存查。儻兵丁傳籌遲誤。由各該管參領稟明該旗懲辦。如有徇庇。經查城大臣查出。即行嚴叅。

火班。○康熙二十六年

諭八旗都統副都統向不直宿。可於要地分班輪直。若偶遇火。即為撲滅。儻有傳集之事。亦易齊集。○雍正元年議准。火班處官兵。向係八旗各自酌量派委六七十人不等。嗣後令八旗於滿洲蒙古漢軍各旗內。合派官兵七十人防備。令該班大臣

參領等不時巡查。如有曠誤。將官兵從重治罪。
○五年議准。嗣後八旗火班處漢軍旗分。添設
官馬。即由火班處滿洲旗分撥出九匹。蒙古旗
分撥出三匹。交與漢軍旗分拴養。分為兩班。於
直班及激桶處輪流當差。○六年議定。凡夜間
遇有傳集之事。火班處附近居住之官員兵丁。
即令齊赴該火班之大臣處呈遞名牌。聽其指
示遵行。○八年

諭。嗣後偶遇東南失火。著正藍鑲白二旗往救。西南失
火。著鑲藍鑲紅二旗往救。東北失火。著鑲黃正白二

旗往救西北失火。著正黃正紅二旗往救。若皇城之內。每翼著二旗往救。如此不致煩擾。於事有益。將此傳諭步軍人等。見某處失火。即報知稍近該旗。不可有誤。○又奏准。直火班之大臣。不令稽察他處。以專責成。有出差兼別職者。不准以官員代替。即令其餘大臣輪直。○十年奏准。火班八處。每處派參領一人。官員五人。領催五名。馬甲四十五名。激桶八處。每處派參領一人。官員三人。領催三名。馬甲二十七名。○十一年覆准。遇有救火之事。停止八旗激桶。將現有激桶。交步軍統領衙

門備用。其原設激桶堆撥處官兵仍著在火班輪直。儻各旗汛地遇有失火。直班都統即於直班官兵內率領一半。前赴失火之處。禁約閒雜人等。不許在就近街道中站立行走。俾街道不致擁擠。汲水可以速到。其餘一半官兵仍留該班處備用。激桶即令移存步軍營。其兵丁應需撒袋三十副。仍存該班處。遇救火即令佩帶。隨都統前往管束。○乾隆六年議准。八旗火班八處。每處滿洲蒙古漢軍三旗輪派都統或副都統一人。參領二人。官八人。領催八名。馬甲七十

二名。設撒袋三十副。每班拴官馬十匹備用。○十年奏准。直火班之三旗都統內。如有別項執事差遣。患病持服不能到班者。其餘都統副都統。如尚有一人。即照常直班。若止賸一二人。各該旗於正參領或男以上世職官內揀選賢能者一人直宿。仍將職名咨送兵部。○二十四年議准。八旗大臣內有應進火班並無兼職者。亦不常去。惟恃各旗派出官兵代替進班管轄。不免怠惰。嗣後凡直火班大臣等。遇失火之事。帶領官兵。務須全去撲救。不得因循塞責。仍將職

名報兵部嚴查。○嘉慶十九年

諭宮內及圓明園設有需用火班之時。若俟該管激桶之大臣官員到後。始管帶激桶進內。豈不遲緩。著於啟放何門時。即將本日在內直宿之御前乾清門侍衛。請派二人。於啟門後。傳到激桶官兵。先行帶引入內。其該管激桶之大臣官員。隨後報明。陸續放入。至直班之御前乾清門侍衛。除帶激桶二人外。其餘俱在本處。不得擅動。如遇朕親往看視。該侍衛等各佩帶弓刀。敬謹隨扈。毋許曠誤。